

## **Nunaminertanik atorneqarsinnaasunik nalunaaruteqarneq**

Immikkoortup ilaa Qeqertat 2B2-4, Nuuk

Aalajangiiffigisassaq

J. nr.: 16.03.01.01-P16-2-18

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Qeqertani nunaminertanik inuussutissarsiornermut atugassanik ujartuisoqartualerana pissutigalugu ingerlatsiviup sanaartorfissat pioreersut agguataarnialerpai, taamaalilluni sanaartorfissat siunissamilu tamaani ingerlataqarusuttut amerlaneruniassammata. Ingerlatsiviup nalilerpaa sumiiffimmut tunngatillugu pilersaarutip siunertaa taamatut suliniuteqarnikkut nukittorsarniarneqarmat, ingerlataqarusullutik arlaqartut umiarsualiveqarfimmi inuussutissarsiornermut tunngasunik eqeersimaarfiusunik tunngaviliinissaq kissaatigimmassuk.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- nalunaaruteqarnissaq sioqqullugu sanaartorfissanik agguataarineq akuersissutigineqassasoq

### **Suliassamik saqqummiussineq**

Qeqertanut pilersaarussiaq suliarineqarpoq pilersaarutitut qinnuteqaatit tunngavigalugit, taakkulu novembarip 21-iani 2017-imi kommunalbestyrelsimit akuersissutigineqarput, pilersaarusiornermut inatsit 01.01.2016-imeersoq tunngavigalugu.

Ataatsimoorussamik sanaartorfissagissaanissamut pilersaaruteqartoqarpoq tamaani aqqusinissaq aammalu biilnut unittarfissaq eqqarsaatigalugit, nunaminertamik atuinissamik piginnittut tamarmik isumaqatigiissutigisaannik. Usisaat pilesaarumminik aallartitsereerpoq aammalu STARK ungasinngitsukkut aallartittussatut ilimagineqarpoq.

Sumiiffimmi sanaartorfissanik arlalinnik suli periarfissaqarpoq, taakkualu pillugit ingerlatsivik saaffigineqallattaasarpoq. Apeqquilliisartut amerliartorneri pissutigalugit ingerlatsiviup sanaartorfissat pioreersut agguataarniarpai, taamaasillutik sanaartorfissat siunissamilu tamaani ingerlataqarusuttut amerliniassammata.

### *Aaqqiissutissatut siunnersuut – suliatigut naliliineq*

Ingerlatsiviup nalilerpaa sanaartorfissanik agguataarineq pilersaarutip siunertaanut nukittorsaataassasoq. Tamaani ingerlataqarusuttut ungasinnerusoq eqqarsaatigalugu inuussutissarsiutinik ingerlataqarfimmik eqeersimaarfiusumik pilersitserusupput, sanaartorfissallu pioreersut ullumikkut ima angitigaat, allaat agguataarneqarsinnaallutik. Ilanngussaq 1 takuuk.

### *Aningaasatigut sulisoqarnikkullu naliliinerit*

Soqanngilaq

*Inatsisitigut tunngavissaq allakkallu tunngaviusumik uppersaatitallit*

Pilersaarusiorneq aamma nunaminertat atorneqartarnerat pillugu Inatsisartut inatsisaanni nr. 17, 17 november 2010-meersoq &

Inatsisartut inatsisaatigut nr. 34, 9. december 2015-imeersoq [KOMMUNIMUT PILERSAARUMMUT TAAMAALLAAT ATUUTTOQ]

Kommunimut pilersaarut internetsimiittoq [www.sermersooq2028.gl](http://www.sermersooq2028.gl) (TAANNA PISARIAQANNGIPPAT PEERNEQASSAAQ)

*Ingerlariaqqinnissaq*

Ingerlatsiviup sanaartorfissat atorneqanngitsut decembarip qiteqqunnerani 2019-imi nalunaarutiginiarpai.

### **Aningaasaqarnermut Allatseqarfimmit oqaaseqaatit**

Soqanngilaq

### **Innuttaasunik peqataatitsineq/attaveqaqatigiinneq**

Nalunaarut Nuuk Ugeaviisikkut aammalu kommunip nittartagaatigut nutaarsiassatigut nalunaarutigineqarumaarpoq.

### **Ingerlatsivinnit allaniit oqaaseqaatigineqartut**

Soqanngilaq

### **Ilanngussat**

1. Sanaartorfissat nutaat